



Inatsisartunut ilaasortaq,
Hans Enoksen
Naleraq,
Maani/

Inuusuttut aalisartut pillugit § 37 naapertorlugu apeqqummut nr. 107-imut akissut

Ulloq: 05-06-2024
Suliap normua: 2024 - 10917
All. nr. 24213061

Inatsisartut Suleriaasianni § 37, imm. 1 naapertorlugu aalisartut inuusuttut pillugit Naalakkersuisunut apeqquteqarputit. Apeqqut suliassaqarfigisannit akineqartussanngorlugu innersuunneqarnikuuvoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

- 1) Aalisarnermut inatsisissaq atulerpat ilaatigut tungavilersuutini saqqummiunneqartut ilagaat aalisartut inuusuttut Qaleralinniarnermut akuersissummik soqaratik aalisalerniarunik pisassanit aatsaat piseqqaarlutik aalisarlutik qaleralinnialersinnaasut. Qaleralinnik pisassanik pisissagunik suminggaaniit pisissappat?**

1-imut) Aalisartut inuusuttut akuersissummik peqanngitsut, aqutsiveqarfik 47-mi najugaqartut tamarmik inatsisit massakkut atuuttut naapertorlugit paggatassiissutinik aalisalernissamut qinnuteqarsinnaapput. Aalisartoq aqutsiveqarfik 47-mi paggatassiissutinik aalisaqataasimanngitsoq, PNNP aqqutigalugu toqqaanartumik aalisalerniaruni pisassiissutit pillugit nittartagaq aqqutigalugu pisassanik pisisariaqassaaq. Nittartagaq aqqutigalugu pisassarsiniartarfik qarasaasiakkut atorneqarsinnaassaaq tassuunakkullu aalisartut kikkut pisassaateqarnersut, qanoq annertutigisunik pisassaqarnersut takusinnaassavaat, taamaasillutillu pisassanik piserusuttut pisassanik tunisaqarusuttut attavigisinnaalissavaat.

Tassa ullumikkut ingerlariaaseq assingajallugu, ersarinnerujussuarmilli.

- 2) Nunaqarfimmiut isorliunerusunilu illoqarfinni najugallit qaleralinniarnermut pisassanik piseqqaanngikkaluarlutik paggatassanik aalisarnermi ilaasinnaassappat?**

2-mut) Aap, qaleralinniarnermi PNNP aqqutigalugu aqutsiveqarfik 47-mi umiatsiaararsorluni aalisalersinnaaneq nammineq toqqagassaammat umiatsiaararsortut aqutsiveqarfik 47-mi najugaqartut tamarmik inatsisit massakkut atuuttut naapertorlugit paggatassiissutinik aalisalernissamut qinnuteqarsinnaapput. Tamanna allanngortinneqanngilaq.

- 3) Qaleralinniarnermut akuersissummik nunaqarfimmioq inuusuttoq peqanngikkunni suna akiliutigalugu qaleralittassanik pisissagami?**

3-mut) PNNP aqutigalugu aalisalerusuttoqarpat pisassanillu pisinissamut nammineq akissaqarani, aningaasassarsiornissaq nammineq isumagisariaqassaaq.

4) Inuusuttut qaleralinniarnissamut pulaniartut pisassanik pisiarnissaminnut atugassanik

aningaasanik attartorfissaannik naalackersuisut periarfissiiniarpaat?

a. Imaluunniit allami attartornissaannut aningaasanik qularnaveqqusiffiginiarpaat inussutut ilaqutariingorsimasut ajunngitsumik periarfissinniarlugit?

4-mut) Aalisarnermut inatsisissap oqalligineqarnerani oqaatigineqartut aningaasaliisinaanissamut periarfissat pisariaqartitallu Naalackersuisut misissorniarpaat, misissuinerlu pereerpat massakut aalisartunut tapiissuteqarnissamut periarfissat allanngortinneqarsinnaaneri nalilersorumaarlugit.

5) Qaleralinniarnermi paggatassiassat Naalackersuisunik pisassiissutiginiarneqartut qanoq annertutigissappat aammalu qalerallit pisassat aalisarneqartut nungukkaangata pisasseeqqittoqartassavaa?

5-imut) Paggatassiissutitut aalisarnermi pisassat PNNP-ilu aqutigalugu aalisarnermi pisassat qanoq annertutiginissai eqqarsaatigalugit tassani paggatassiinertut massakut aalisartartut qanoq amerlatigisut PNNP-imut ikaarsaarumaarnissaat apeqqutaassaaq. Aalisartut PNNP-imut ikaarsaartut paggatassat ilaannit pisassatik PNNP-imut aalisalernissamut nassarsinnaavaat. Ukiut kingullit tallimat ingerlanerani ukiut pisaqarluarfiginerpaasat pingasut agguaqatigiissinnerisigut pisassat annertussusilerneqassapput.

Pisassat tamakkerneqarsimatillugit pisasseeqqittarnissamik Naalackersuisut pilersaaruteqanngillat.

Inussiarnersumik inuulluaqqusillunga



Kim Kielsen
Aalisarnermut Piniarnermullu Naalackersuisoq